



Skýrsla um starfið Veturinn 2018

24.09.2018



Efnisyfirlit

Janúar – Námskeið hjá Kára og vetrarmót	3
Febrúar / Mars – Námskeið hjá Rósu og páskabingó ...	4
Apríl – Æskan og hesturinn í Víðidal	5
Maí – Reiðtúrar og fleira skemmtilegt.....	7
Maí - Fræðslufundur með Sigga Ævars	8

Skýrslan

Í þessari skýrslu er fjallað um æskulýðsstarfið hjá hestamannafélaginu Mána starfssárið 2018.

Tengiliðir varðandi nánari upplýsingar

Ólafur R. Rafnsson 840 2000 olafur.rafnsson@formenn.is



Janúar

Að þessu sinni hófst starfið á því að skipuleggja viðburði eins og tíðkast hefur undanfarin ár hjá hestamannafélaginu. Í upphafi árs voru ekki margir virkir krakkar í starfinu en þegar líða tók á árið þá fjölgaði töluvert í hópnum.

Námskeið hjá Kára Steinssyni

Það sem var í boði fyrir krakkana var m.a. námskeið á vegum fræðslunefndar fyrir krakka sem voru að undirbúa sig fyrir keppni hjá Kára Steinssyni. Þá voru einnig krakkar sem voru að byrja og krakkar sem höfðu lent í atvikum og voru því frekar smeyk. Kári stóð sig mjög vel og með mikilli lægni tókst að stilla upp leikjum fyrir þann hóp og voru krakkarnir fljótir að gleyma sér og finna öryggi. Þar að auki voru afreks knapar og framtíðar keppnis knapar einnig virkir á þessu námskeiði hjá Kára.

Vetrarmót

Þá tóku krakkarnir þátt í vetrarmóti og voru veitt vegleg verðlaun fyrir alla þátttakendur. Að þessu sinni gaf Valdimar Tryggvason heitinn, öllum krökkum sem tóku þátt í mótinu stalmúla og kunnum við honum miklar þakkir fyrir það. Valdimar lést á árinu en hann var einn af brautryðjendum í söðlasmíði og flutti inn vörur tengd hestamennsku áratugi.



Febrúar - Mars

Námskeið hjá Rósu Partreksdóttur

Þá var komið að því að bjóða öllum krökkum að mæta reglulega í reiðhöllina til að læra grunnatriði og undirstöðu við hestamennskuna. Allir krakkar sem höfðu aðgang að hesti bauðst að koma án þess að greiða fyrir það sérstaklega.

Leitað var innan félagsins að leiðbeinanda og samið var við Rósu Patreksdóttur til að leiða þetta námskeið. Rósa hefur unnið sem aðstoðarmaður á sumarnámskeiðum, sem eru mjög vinsæl og fékk mjög góð meðmæli þar.

Er það einnig liður í að efla starfið innan frá að gefa ungum og efnilegum ungmennum tækifæri að spreyta sig við þjálfun og stóð Rósa sig mjög vel.

Liður í þessu námskeiði var einnig að útfæra prógram og æfa það fyrir Æskuna og hestinn. Þessar æfingar/námskeið voru miðvikudögum, á milli klukkan 16:30 og 17:30 og í hádeginu á laugardögum.

Páskabingó

Eins og tíðkast víða þá eru haldin bingó í marsmánuði og var slíkur viðburður skipulagður og vakti mikla kátínu og lukku hjá krökkunum og ekki síður aðstandendum. Það fór enginn heim án þess að fá verðlaun.

Þá voru áhugasamir um starfið einnig á svæðinu og gast þar tækifæri til að fræðast um starfið.



Apríl

Æskan og hesturinn í Víðidal

Hestamannafélagið Máni er eitt af þeim félögum sem standa að þessum viðburði sem hefur fyllt reiðhöllina í Víðidal undanfarin ár. Þessi viðburður er mjög mikilvægur, þar sem ungir sem aldnir geta kynnt sér íslenska hestinn og fyrir krakkana að fá að sýna afrakstur æfinga á líðandi veturs.

Þetta árið tóku þátt sex kakkar frá Mána, yngsti knapinn var 4 ára og sá elsti 16 ára. Krakkarnir stóðu sig frábærlega og eru staðráðnir í að taka þátt að ári. Þá voru aðrir krakkar sem horfðu á einnig mjög áhugasamir að vera með að ári og mun Máni stefna að því að festa þennan viðburð í sessi hjá æskulýðsnefndinni og í starfinu.



Kúrekarnir frá Mána á góðri stund

Maí

Útreiðatúrar og fleira skemmtilegt

Farið var í nokkra reiðtúra, í allavega veðrum inn á Mánagrundina í skeifuna og til baka.

Þá mættu krakkar í kerruferð sem var skipulögð inn í Heiðmörkina.



Einn af mörgum reiðtúrum í Skeifuna

Maí

Fjölskyldudagur Sjálfstæðisflokksins í Reykjanesbæ

Falast var eftir því við Æskulýðsnefndina að teyma undir krökkum á fjölskyldudegi Sjálfstæðisflokksins í Reykjanesbæ sem var haldinn 12. maí á túninu við Hafnargötu.

Vakti þetta mikla lukku hjá fjölskyldum og aðstandendum en þessi viðburður var liður í fjáröflun hjá æskulýðsnefndinni.

Þarna fengu börn og ungmenni tækifæri að fara á bak, sum hver fengu þar að auki að teyma systkini og gefa hrossunum fóðurbæti.

Fé sem safnaðist var því næst notað til að kaupa úlpur og merkja handa þeim krökkum sem voru virkir þátttakendur í starfinu þennan veturinn.



Pulsur og fleira í boði

Maí

Fræðslufundur með Sigga Ævars

Í lok maí fékk Æskulýðsnefndin Sigga Ævars til að halda erindi fyrir þá sem eru að æfa og keppa. Fundurinn var vel sóttur og var gestum frá Grindavík einnig boðið að mæta.

Á fundinum var mikið rætt um reglur sem varða keppnir og hvað hafa þarf í huga við undirbúning fyrir Landsmót sem var haldið í Víðidal.



Foreldar voru virkir á fundinum